

Wikop adongo amakere kede gudo me
Uganda: North Eastern Road-Corridor Asset Management Project (P125590)
ame Joo Ngic me Ka Daro lim me wii Lobo owudo

Anyut Me Agege

1. Ibutodwe acel me dwe me tomon, imwaka me tutumia are ot are, abunge me joo angigico/joo rot kope me Ka daro lim me lobo duc oudo kwac me bino ngigico dul tic me North Eastern Road-Corridor Asset Management Project (P125590/NERAMP) kita me etie ringo kede i Uganda. Kwac ni oyai ibut Joo tomon ame cungo ne myere Kanyauni (8) I adul me Omolokony, Itela me Merok, I district me Soroti.
2. Dul tic ni gango epone me cweno kede yiiko yongayo ame boromere tie kilomita 340 (Tol adek iyot ongwon) I uganda kan, di erucakino pinye bala South Sudan, adulio ace me Congo (DRC), kede tade malo kide me Uganda, tuno kede idog nam adwong me Mombasa me lobo Kenya. Yoote me Uganda aryaryamo gi en kame atorome amako kope me oot i Uganda wa kan, dii eyei joo oot kanyangon I wi tol acel (90%) kede gi oot awekeweke, di bobo etie bala epone me gi oot acel apire tek me lwak joo piny. Uganda cungo bala daraja me lobo me joo acol ame name adwong oluko, di erucakino kede joo kio me dog name. Dul tic ni ribaro yiko kare kede kare me yongayo ni, lono kope amako oot, kede tic kede gudo iyore me gwokere, di tic me eryonget amako kop me twero me yote ii Uganda (UNRA).
3. Dul tic ni oyaro obedo gi anena me agege ii Uganda kede di ebedo isikan me tic me yote, gi anyuto ame kelo tam anyen, tic ayot kede tice acobere di ecuko cunyo joo osikana kede anapeta me kope ame oyere iyebe timere pi wel ticowinyere iye. Di beo ibut nyuto tic anyen ikare anan ni, Joo omako isikan ni arabo contrakitas pore neno be gi go cal me tic ni epone epore bedo kede, gero kede yiko yiko ticegi, karacel kede mamano ticegi da. Ajange amakerekede Gwoko cwec Arubanga karacel kede nywak me joo I kare kede kare, ename oyaro tic kede anapeta, piento anyut me ajikini atwal oudo pwodili ongeere iyagege, Ajange Areego dedede amakerere kede gwoko cwec Arubanga karacel kede nywak me joo ikare kede kare kede ajange amako kobo joo ka apat da gin deded otyeko ikere. Contrakita ni da doko en apore pi yiko anapeta amako twai ame kabedo me tic/yoo pore iye icen ngei timo ngic opore ikom adwokini nyo aromo bedo diki maca ka dido tic otyek kede epone me kobo joo.
4. Joo ocwao kwac ni bedo tu moru me Oruja iya adul me Omolokony, da gin iwaco bee; gin en ibedo ateker wegi moru ni di lubere kede etok gi, karacel kede lobo oluke da/a tie Ingete. Joogi waco be owudo opore bebelo moruni pi tic kede me yiko/gero yoo ni, do epone ame oko gaamo /wiilo kede moru ni karacel kede lobo a tie ingete da, li ooto eye'pone opore. Liame pi cul li ooto iber kenekene, do bobo nga isikan da bobo oko dudubo cam gi, jame gi, karacel kede gedo gi da abongo niango gi iyadul me net get moru, aso man okokelo, kei me jamini kede totolo kuo da. Gin ikiarao dwangi pi liame openyogi, liame okwenyaro gi nyo inonono ame oyaro timere kano. Medo iwii mano, joo piny bako doggi digi wacobe omio joo ace lworo, oko diino gi keto cingi atatai pi yei pango lobo.

5. Adwokini me joo tel oko waco be, sayiti ni ogamo/owiilo abongo ngec kede twero gi di bobo iyepone alia Upere kede iswilia me Ka daro lim adwong me piny lung. Da bobon gin iyei kede cam odudubun, yen karacel kede gedo mogo da. Biyei da be oudo ajange amako cwee arubanga karacel kede mulem me joo liaudo oikere ikare a me tic ni ogeere kede imoru ni. Do pi mano joo tel dul tic ni okwao UNRA pi gengo tice dedede audo pore gere I site me moru ni awaka awaka. Ibuto-dwe acel me dwe me kany mwaka me tutumiya are ot are (1/5/2020), di lubere kede epali a contrakita, Ka daro lim adwong okodo niango UNRA be liabobo oyaro tic kede moru me merok no me gero yoo.

6. Jooo tel otamo peeto koko me joopiny a me kop ni mako di upere kede moru ni (PAPS), bala Adwokini me mwoc me belo moru, miino joo Lworo di beo ibut jootic me dul tic, dedede iko Nywako tam iye. Joo tel adongo en dido oko Waco be – tice dedede amako dul tic ni ber ogengi kwanyo do mogo aliagengere paka dido kope ace otiek, bala culo jamini ame odudubo kede dido ka daro lim otieko neno iber be ngic amako cwee Arubanga kede mulem ajooo otimo ngic aber kede neno da be cul me jooo piny ocobere iyepone opoore. Dido jiko, jooo tel me tie kede gen kede yei be twero me joo piny kara cel ked mit gi, liame otuturo da doko liame obino totolo diupere kede epone a me Ka daro lim bino lubo kede anapeta kede iswilia me tic.

7. Ka dido abunge me joo ngic otyeko timo ngic atut, jooo ngic okowoto kop awaco bee, ber kong jooo adongo me ka daro lim da tim ngic atut amako kopegi ibutodwe 26/2/2021. Ibutodwe 12/3/2021 Jooo tel me malo oko yei kede tam ni. Ibutodwe 8/4/2021, joongic oko cwano epone me giyaro timo kede ngic atut amako kope gi elago gi. I anapeta gi me ngic, joo ngic gi udo tie kede plan me ber neeno ara ka daro lim olubo a napeta a me udo gi pore lubo, di upere kede iswilia me contract kede tic, kede neno be ogwoko anapeta me jamini Acwec Arubanga, kede neno be oculo joo iber, okokobo joo ka opore kede anapeta arabo aikaika me ka daro lim amako dongo lobo iye epone me culo joo. Joo ngic gi oko teero kare me wena Uganda pi ngico ateni me kopegi ibutodwe 22-26/11/2021.

Ajange adwong me OPRC Kede Epone Ame Gwoko Aikaika Me Tic

8. **Ajange Kede Aikaika Adwong me Gedo.** Ekodet oyaro timo tice ni ena UNRA aka gabumenti me Uganda, kede ekodet me wi lobo lung/Aoko, di gabumenti me Uganda en oro culo lim. UNRA Oketo cing gi kede contrakita omako tic, pitimo tic me gero yoo, oko pooko tenge iye Jooo oyaro ngico ara mamano ticegi ame olwongo be dul tic manager ara Atel dul tic iya jange ame olwongo be The Project Management and Monitoring Consultant (PMMC) – pi mamano kede ngico bero me tic. Contrakita otieko diino cing gi kede sub-contrakita di beo iye swil pi winyere kede wilo kame oyaro kunyo iye kede coko kideme gero yoo.

9. **Epone me tic me OPRC kede epone me gwoko tic.** Pikonye epone me tic kede lim pi gero yote me epone ni me agege mere i Uganda iyepone ni, ikop amako cilome yote, kede epone me ogere kede, dul tic ni (NERAMP) oyaro tic kede neno me yoo, cielo kede bero me (OPRC) pi timo cul karacel kede mede kede gango tice me yoo ni oot anyim I Uganda. Di upere kede a napeta gi, contrakita en apore pimo yo kede neno epone me geere, dido cul ko lubere kede epone a me engetakin kede, karacel kede neno mere. Man dwodwoko piny poto igaraman me kwina pimo yoo, kwiina gero yoo, kara acel kede dare. Ekonyo da bobo neno be yoo cil, tek dibobo agerere iyepone opoore. Apur yoo ara contrakita pore gwokere twatwal di etimo tice mege pien timo kei adwong

romo dwogo bute. Contrakita da bobo en ame mako kop me gwoko cwe Arubanga, yiiko yoo, geero yoo ikare dedede. Joo aculo mito neno be isikan me cul i but ngat okopo sente/loan, upere kede epone ame contrakita tie timo kede tic, dibobo lubere kede anapeta ame otieko peto imalo.

10. Rom me Teko. Joo ngic okowudo be ka daro lim oneno goro me UNRA me lubo Tic acil di tek iber kede eponeme gwoko joo kede ka gii ibed iye, acel ikom Jame areco angole oneno pi lubo tic acil di opoore iber, Joo ngic da bobo okowudo be, ka daro lim otwero timo aikaika me pwonyo jooogi epone me woto tic a tek, acil di opore caako iyagege me tic ni, pi neno be jooogi otwero pi timo tic opoore kakare. Nyapo a contrakita okobedo pien gaal me joo okwao konyo tice pi mwakini are kede gal me popoko negi tice nogo/contract. Do pi mano, joo ngic okowudo be, ngat me onio toto me tice pat kede ngat me owudo omio tic ikare me ipatan/winyere, maka me agege ame owudo owoto nytingi ikwac me gango tic owudo neno bala tie kede ngec ituto, twero me gwoko cwe Arubanga, kede niang atuut ikom tic kede ngec ikom dul tics ace ame ka daro lim owudo omio kony. Joo ngic bobo okowudo be, joo olunyo wanggi owudo li kede ngec atut amako kope gi. Joo ngic da bo owudo be ka daro lim odagi kede alokaloka otimere nogi.

11. Anapeta me Gwoko cwe Arubanga kede bedo me jooo. Abala kita wudo etie kede iyagege, contrakita wudo pore tyeko kop me gono design me tic ni paka ngetakino, Apugan me Uganda oko iiko jaminis/plans are pi yiko kop amako cwe Arubanga, maage obedo ESMF and the RPF arabo daaro cwe a Rubanga kedepone me dako joo kede napakino gi ikame ikobiye. Joo ngic okowudo be aikaikani upere kede iswil ajange No OP 4.01, kede me iswil me isamai kede cwe Arubanga amako do kope bala Ngic, mamano, kede yero kame opore kunyo kide iye, kede neno iber be ngic ooto lye epone opore amako cwe Arubanga, ika me jaminigi tie iye. Iswil me kobo joo tengi (RPF) konyo contrakita pi iiko epone me kobo kede napakino joo acel acel karacel kede ticegi tek di ongeo kaame gitie kobo iye. Joo ngic owudo da be anapeta me daro environment arabo cwe Arubanga upere kede anapeta me ka daro lim, doo likame kingetakino anapeta dedede arabo ace ikom epone ame contrakita poore wuudo kede site me belo kide. Meedo lwi mano, dar me cwe Arubanga kede dako/kobo joo (ESMF & RPF) tie kede atulin a dek iye (3) amakere kede iswilia me lobo Uganda, oter bala kita dano acel wudo kede lobo I Uganda ken (ibut ngat a tie mito caato kede ngat atie mito wiilo di pat kede ngat ocwao kwac me wilo OP 4.12), kede bobo gwoko cwe Arubanga kede mulem me joo. Joo ngic oneno balabe dul tic me puuro kede yiiko yoo ni abeo iyoo awudo tie sek, epone me kwanyo jaminis me tic isite anyen, tie kede jaminis areco angole me gwokere adwong a me adwokini mere neno. Do pi mano, a napeta me poore aluba pi gwoko abucabuca awok isayiti me kwanyo ingaroi, owudo poore a keta iya bungeta me anapeta ame poore aluba. Kope adek gi pir gi tek ikom kop amako willo lobo me Merok ni.

12. Adwokini/Anyut me yiiko anapeta amako cwe Arubanga i contract ni. Ikom winyere me tic a cil, aber di tek dyere dyere me UNRA kede contrakita, joo are gi oko yiiko ajange acel ikom iswil amako gwoko cwe Arubanga pi iiko tic ni, a me joo tel da li oko dagi kede. Mane oudo juro adwokini abino wok cen ngei contrakita timo tic di upere kede cwe Arubanga. Ajange 10.1 me winyere ni yei ne contrakita yuubo ticemege dipwodi liame jooamako cwe Arubanga ogweto tic mere. Emeede di ewaco bee, akadi dido abongo gweto, kede yei kede twero ayai ibut joo amamano kop amako cwe Arubanga, contrakita do ber twero meede anyim kede coko tam kede geeno gedo me yoo kwanyo di ewupere kede anapeta me gwoko tic. Anapeta me gwoko tic ame contrakita owudo pore lubo, owudo otyeko keto gi ipapula oko miino but gi contrakita, di gi pat kede winyere ca, pien owudo omito gi sek ikare me kwano tic. Gi nyuto tice abeco apore pi

gwoko cwec Arubanga ame contrakita pore lubo di etimo tic, eko nyano kope ituto amako kope are me gwoko cwec Arubanga kede kope tomon iwie acel me bedo karacel imulem. Jooo ngic gi da bobo oko wudo be joo atimo imaman me tic me gudo oudo pwodi liame oketo itic ikare me oyiko kede contract. Epone ara alokaloka me oyiko kede contract ni en okelo bobon kope ace I Merok.

Adwokini Ikope Amako Timo Tic Opoore Di Pwot

13. Joo ngic owudo be Ka daro lim en a me mio twero me gi me atima but contrakita ikop amako gwoko cwec Arubanga. Gi neno da be akadi bed bala ka daro lim tie tamo eponeso dedede me pwonyo Joo kop amako daaro cwec Arubaga pwodi lika tye kakare. Eno omio goro tie eye epone me chobo kop amako gwoko ka bedo. **Joo ngic owudo be ka daro lim lio otwero pi; (i) Neno jame areco angole/atwero timere di otie tamo gwoko cwec Arubanga kede alokaloka ame ebino kelo ikare ame jooogi tie timo kede tice gi paka tieko. (ii) Neno epone me lubo kop ado bino wok icen ngei gi moro timere. Man lia upere kede a napeta me ka daro lim me konyo gango dongo di eketo lye sente atot, line me 20, kede iswil me ka daro lim No. 43 a me gango keto sente pi gango dongo.**

14. Joo ngic da owudo bee gero gudo me NERAMP ni tyo kede technology a malo anani-ber twatwal doko eupere kede anapeta me dul tic ni. Da doko joo ngic owudo bee epone ame otie twero kede cwec Arubanga tie kakare pien oudo liame owoto tuto me twero gi iya agege but contrakita. Oter bala kame nyo oyaro beo iye, Nyo tie twai, Ecal benyo, kede adwokini gi da liangere ikare me agege. **Man lubere kede ajange No. OP 4.01 line me 7A, line 4, kede bobo ajange OP 4.12, line me 28A, kede line me 23.**

15. Joo ngic da bobo wuudo bee igigir mumulo kop me wie wie do tuto me kop amako gwokere i“site” kame okwanyo iye ingaroi/kide kede epone me wilo likatie itulo. Toto me bure tie ikom gwoko cwec Arubanga kede epone me kobo joo tenge di upere kede iswilia me Uganda amako ngat acel acel amito wilo lobo (diolubo ngat amito caato kede ngat amito willo – Di gi pat kede ngat okwao wiilo ibut ngat aliamito caato OP4.12) di omeedenu kede gwoko cwech Arubaga. **Ngic nyuto bala igigir ni likaupere kede ajange No. OP 4.01, line me 2 kede 3A kede line me ongwon (4) ara kede ajange No. OP 4.12A line me 24.**

16. Joo ngic oudo bee igigir atie iya’napeta me ka daro lim amako gwoko cwec Arubanga kede kobo joo poore aketa sek sana da dokon Ngic amako cwec Arubanga, jame areco angole abino neno, kede nyo abino wok icen bala adwokini, opoore timo ngic iye iy’agege. Joo ngic da bobo oudo be-di upere kede ajange No. OP 4.12, dul tic lia pore kobo joo, ara riamo joo ara bo gegengo joo ikaramorono dipwodi liame oculo joo kede sipakino joo kame okobogi iye. Man ribaro culo joo kede minogi kony opoore me gin geeno kwo ikaame okobogiye dipwodi likame ogeo riamo joo. Doko nen be jamini me dano kwo kede tie kame oyaro kobo joo iye.

17. Joo ngic oudo be kitame me ka daro lim oyei kede ajange me 10.1, omio contrakita okogeeni tic isite me moru me merok di pwodi liame etieko anapeta dedede amako gwokere dido eko mino peko but joo me merok. **Gi wudo da be, winyere ikom ajange me 10.1 turo iswil me ka daro lim omio joo tel adongo me malo di oko yei kede tam gi do di ituro iswil No. OP 4.01, line me 2 kede 3.**

Epone Me Wudo Lobo, Winyere Me Nyamotam Kede Cul

18. **Aribariba kede bedo me mulim.** Joo ame ngic gi opoto dyeregi bedo iyadul atie inget Oruja rock/moru Oruja, iya dul me Omolokony itela me Merok, etem me Katine, i district me Soroti. Toto me joo abedo iyadul ni obedo Ateker me akarwok ojirin, aromo bala joo 1,700, ayai imiere 300 ribaro kede joo tengen da. Ateker ni opokere i zones kanyaare (7) ara bo Adulion me ateker Ni atitino. Joo abedo kaane di kiwaco be moruni mergi-en joo me zone 1, ame olwongo be Adul Engengu, ame da tie kede miere 160. Joo icalo ni bedo imyere onyai/alaac do-di wudegi papat. Paco acel romo bedo kede wude atot do di atel acel. Myere gi cuo en atelo iye ateker ni di lobo da obedo me ateker en atelo twero mere, dodi cuo en atie kede dwongo/twero me lobo iyateker me myere alac. Pur en tic me joo timo pi kuo kede pito miere, Dokon da joo paco dedede pore neno be kipuro. Joo me ateker ni waco be lobo me Myere apapat tie kede, obedo me ateker di bul paco acel acel tie kede share mere, ame kaame oribogi, kitimo adul/ateker Engengu. Paco/myere romo cato lobo kame gi wudo twero ibut ateker, do pi mano tie joo me tengen/ooko me ateker ni da owilo lobo inget moru me Oruja.

19. **Kop amako awanon abino neno imoru me Oruja.** Joo acwao koko gi malo gi Waco bee, giwudo awanon adek (3) di yai imoruni. Me agege ocao bala moru ni liobedo me ateker, en omie epone me ogamo kede moruni li owok kakare do dibobo moruni obedo gime well apiretek iyateker ni. Gitamo bee cul otimere obedo cul me “pwoc” Akaka wil ikokome. Me are – Menyo moru ni kede ngeno wel mere, li ooto ilero, a me wudo koto kelo cul opore. Me ajikini – epone ame ka daro lim oko daagi kede tic kede moruni pi timo tic me dul tic ni owango yii joo twatwal pieno kigengo joo timo isubul kede moru ni dokon da kitimo abongo niango/penyo tam ibut joo.

20. **Kop amako awanon oneno I Adul ni.** Joo ochwao kwac/koko gi Waco bee; sub-contrakita Oketo cinge bala een eyei pi pango lobo me nget moru ni pi mwakini tomon kede cuo atelo miere kanyauni. Da bobo joo angur gi Waco be liame openyo tam me joo dipwodi cato will me lobo ni. Mediwi manu odiogi pi keto cingi iye gigir me pango lobo ni. Joo angur gi Waco be sub-contrakita li ongico joo acel acel iyadul me opango. Gi waco bee igigir me winyere ni obedo dyere-dyere me joo me ateker me kan atelo miere apapat, do di owudo joo apat da tie apuro kan, Abedo kan, acel ikom gi obedo dako won paco acel awaco bee en liame ocule. Joo ngur gi waco bee ngic liobedo ikom kuo me miere kede joo apuro karacel kede joo abedo kan. Joo angur gi wacobe gin likiniang epone ame omaro kede eponeme cul. Jooo ngic da okowudo be report a sub-contrakita me omenyo kede kan, kede ame omamano kede kan, karacel kede ame oningo kede wel me kan, lianyuto kaler jamini awudo tie kan, Joo akop ni mako karacel kede epone ame omaro kede well me cul. Isikan me pango kan nyuto well sente kede laco me lobo keneke, do liame etatamo ituto jamini acel acel/tuturo me cul tie donyo iye. Joo angur waco bee osero gi di oculo jamini gi kede cam gi medo iwi mano, liame eneeno kaaler but joo ngic epone ame lobo aromo acres 26.57 ame opango ibut joo angur gi, kelo tamo luuko/waano ka gwokere di bobo Kame opango nyao laco me mita 300 tengen me kaame ogwoko me nget moru, do di liame erukumo moru/gwoko moru, da bobo liame enyuto mita tol kanya awudo pore me gwokere inget moru bala kitame NEMA ondo mito kede.

21. **Keto lworo ikom Jooo kede tuuro twero gi.** Myere kanyauni (8) gi waco be odio gi adia pi keto cing gi i isikan me pango kan kede sub-contrakita da bobo oko sero gi ikare me cul. Joo

angur gi kede joo ace me ateker waco be sub-contrakita owaconege be moru ni lia mergi. Sub-contrakita odiogi keto cing di mio gi lworo bee kiyaro kei moru kede lobo akadi bed bala kiyei ara kidaagi gamo wel/cul ame otie miinogi no. joo angur Waco bee sub-contrakita odiogi signing/diino cing. Ceng ame pango lobo ni, liame kiko ottero wudo niang giame oudo kitie keto lye cing/signing. Dokon da wel me pango loboni obedo pat kede wel me owudo owinyere iye lyagege. Joo angur gi Waco be oko pongo lworo ikomgi iye eponeso a papat-bala nat; Too oyaro wok iye. Magi dedede owok ibut sub-contrakita kede joo tel mogo da di kwanyaro gi pi weko oot anyim (gikwany tengen) ngur moro ni.

22. **A cat wil oyei kede Awil oyei di upere kede anapeta me kwac me OP/BP 4.12.** Loo amako contract/contrakita, kede UNRA acungo ne apugan me Uganda, karacel kede ka daro lim me wilobo lung tie kede apoka poka ikom tam amako kame oyaro kwanyo iye kide/engaroi. Pi en tie bala koto bin owilo awilo kame okwanyo iye engaro arabo opang apanga oko kobo joo tengen. Piento kame owilo awila, lia bobo oculo Jame me joo kede kobo gi tengen. Otamo pi joo goro atie kano ara dwoko mulem me joo kede yiko bedo gi kede kuo opore. Lito adwong but joo angur icalo me Omolokony, owok di lubere kede kita me okwia lubo kede anapeta abin opore.

23. **Penyo tam kede nywako kope kede ikodeta me jooo apapat.** Joo angur waco be gin liame olwongogi I meeting moro amako penyo tam boboda contrakita lioko nywako kede gi adwokini me ngic kede imaman gi karacel kede reporti me niingo wel me jamini. Joo angur waco be reporti me Jame acwec Arubaga kede me dako joo likame owoto ne gi. Joo ngur gi owoto ngur apapat idwete me cen, sek dipwodi liame oketo cing me pango loboni but sub contrakita. Lawyer/pulida gi ocwao kokogi amako epone ame sub-contrakita tie tisilarogi kede gi but jooo aloo kop me imaman me yongayo (PMMC) karacel kede but contrakita Adwong. Akadi bed bala contrakita kede sub-contrakita piemo ikopegi, doo joo ngic owudo bee liatie iwandiik moro ni kenekene amako Ryamakin/meeting amako penyo tam me joo dyeredyere gin kede joo a ngur gi.

Adwokini/Reporti amako wil, winyere kede Nyamo tam me ikodeta apapat

24. Joo ngic owudo be liame ngic moro obedo pi niang ngai weegi moru ni, kede niag twero me joo a tie i lobo me inget moruni (oter bala Twero me dano bedo kede ilobo, twero me atekerin, Twero me tic kede lobo kede twero me coko joo karacel, di pwodi liame contrakita odonyo iwinyere moro ni kenekene kede joo piny kede iswal me Uganda amakere kede abar me lobo kede lobo, owudo contrakita kede sub contrakita bala li owudo oniang iber.

25. **Joo angico owudo be kope amako ber bedo me joo ame tiye inget kame obino kunyo kede coko iye ingaroi atiye Omolokony, Ekite gi, kede kop amako kitame ateker tie kede twero ikom moru ni karacel kede lobo aluke, nyuto be iswil No. OP/BP 4.12 olubere iyepone opoore, di nyuto site me moru me Merok.** Joo ngic da bobo owudo be piem obedo dyere dyere me joo apapat ribaro kede joo tic me ka daro lim di gin itamo ara oko twero tic kede iswil OP 4.12 ara li. Joo angico niang da bee kame Ja dongo oniang kede bala moru me merok en ame oyaro tic kede, giko niango UNRA pi neno be contrakita Otimo aika ika me kobo joo (RAP).

26. Joo ngic owudo be riény opore li obedo lye iigigir ni ikop amako kobo joo tengen inget moru. Gi wudo da bee ka do joo adongo oniang kede be owudo sayiti me Merok do anapeta me kobo joo lika tie, giko niang aniang do iber bee bala atotolun tie. Do pi mano, ka daro lim oko

kwano be oyik papulai di bobo gi ko waco be ojik ber tice awudo tie oot anyim isite ni. **Di wiiwa liowil kede lii me tice me kica ikom balwa ni. Joo ngic owudo be joo adongo me malo yei kede tam me ka daro lim me kobo joo ka apat – iswil No. OP 4.12 line me adek (3) me ngeeno be iswil ni upere kede site a me oyero me merok. Joo ngic dabobo owudo be Ka daro lim upere kede iswil No. OP4.01 line me a cel kede bobon iswil No. OP 4.12, line me 6 me kwano Igigir me dako joo kede igigir me daro jame acwec Arubanga – isite me Merok.**

27. Joo ngic audio be koko me joo angur gi tie me ateni be penyo tam liobedo kakare ikare me otie mito wilo kede moru me Merok karacel kede lobo atie ingete no. dokon da gin ineno be plan me dul tic me kobo joo tengen kede gwoko jamini cwec Arubaga kede kitame oning ningko kede wel me cul liame ako nywako report mere kede joo piny. Gin da ki wudo be contrakita kede sub contrakita lii kede igigir moro amako meeting me penyo tam ibut joo.

28. Medo iwi mano joo ngic oneno be tie arucakin dierediere me lii me plan me gwoko jame chec Arubaga kede lii me penyo tam me joo. Lii me penyo tam omio joo piny odonyo I keto cing ibalwa me pango lobo di liki niang ajikini me twerogi. **Man turo iswil No. OP 4.01 line me 14 kede 15 kede iswil No. OP 4.12 line me are 2(b).**

29. Oudo da be li me penyo tam omio joo piny ogeno bala otie titiso gi ara minogi lworo dido oko dinogi keto cing Tetek kede da timo jamini ace aliopore. **Ongico da bee kame jadongo/Joo tel me malo oko niang kede be otie mino joo lworo, gero da odonyo / Tetek kede diino joo adia, giko moono epone me rukumo / gwoko joo piny ame kopegi mako. Joo adongo ngeo iswilia me Ka daro lim di upere kede gango dongo – line No. 20, oko pwono da be case me titiso joo bobo liokobedo paka tin di otimo reporti ni.** Dwong mere be adwokini me joo adongo otimere iber doko ikare opore.

30. Ngic nyuto bala be kita joo adongo odagi kede tic kede moru me Merok ni, ottero medo kelo bobo lito ace but joo angur gi ngic nyuto bala jootel da liotwero pi penyo tam ibut joo agur arabo nat ibut contrakita dipwodi liagidaagi kede mede kede tic kede ni. **Pi mano, joo ngic owudo be kita me Joo tel me malo odagi kede tic kede moru me Merok i dul tic ni di likipenyo tam ibut joo piny akopegi mako, turo twero kede iswil No. OP 4.01 line me 14 kede 15.**

Imaman me dul tic kede adwokini me ka daro lim ikom kwac ame okelo

31. **Epone me imaman bino bedo kede ikare kede kare.** Joo ngic oneno tupu tupu me imaman obedo di pwodi kede di otyeko cwano ngur ni, di bobo iko ngico aridakin ame tuo me Corona okelo. Ngic oneno bala Ka daro lim otutupo mamano site ni ibeer icen ngei dwete kanyape, dipwodi kede di otyeko cwano kwac/ngur ni. Ngic nyuto bee imaman gi lioko mede tutupo soot anyim. Ngic nyuto bee imaman lioko meede twatwal dyere dyere me dwe me ongwon 2019 kede dwe me Are 2020, di pwodi oot yot di pwodi liame ocego piny pi Corona.

32. **Ngec atut amako tic.** Ngic oudo be joo a niang gi tuut ame omio tic me imaman dipwodi kede di otyeko cwano ngur ni, Giko wudo be joo a tie kede ngec adwong ikom daaro jame cwec Arubaga owudo tie ikom tiimu me Ka daro lim ochwao pi ingingic.

33. **Epone aber me ngingico tic.** Obedo neno kope adek ikom imaman: (i) Kitame Ka daro lim oyei kede iswil me winyere No. 10.1. (ii) Epone ame Ka daro lim kede aika ika me gwoko cwe Arubaga kede dako joo. (iii) Tam me Ka daro lim di upere kede tic kede site me merok.

34. **Iswil me winyere No. 10.1.** Ikare me winyere dyeredyere me UNRA kede contrakita, otamo yikoyiko iswil No. 10.1. leb ame oiko yei pi timo tic adwong di neeno di upere kede coko joo ara iikiko jamini apapat di pwodi tic li ogere. Kitame ka daro lim liodagi kede iswil 10.1, nyuto be iswil No. OP 4.01 dado myer tii. Pi mano, Tic oko geere di pwodi liame oyiko anapeta mogo bala adaro cwe Arubaga, cul kede kobo joo, aso man en okobedo acel ikom gi okelo ngur i site me Merok.

35. **Neno kede Tiryano cwech Arubaga kede kobo joo.** Ikare ame oyei kede winyere (ikope ace me tengen) do di gi mako Ka daro lim kede epone gi me oot i Uganda, joo tel me malo karacel kede contrakita (NERAMP) oundo mito neno bee, ikom jamini ace wudo team anyen I UNRA pi timo aikaika me yuubo papulai/igigir. Kare a me ogeno pi mino UNRA kede contrakita pi timo aikaika gi obedo dwete adek icen me contract gere/cakere, tunu dyere dyere me dwe me tomon iwie acel me mwaka 2018. Do giarac, oundo gal moro tie but contrakita pi woto papula gi. Pakado idwe me Tomon ame team me Ka daro lim oko diinogi kede tetek pi sunyaro tyeko anapeta gi dido oko yeeko ber apirgi tek – di ribaro me gwoko cwe Arubaga kanyape (6), me dako joo are (2), kede are me dul tic tic kede pi mono sites amako kame oyaro gero iye kaketo jamini, kajoo oyaro cokere buto iye, kaame oyaro kunyo ka konyere kede kame oyaro belo iye engaro/kide. Jooo ngic owudo be Ka daro lim tie tic kede anapeta me mulem akadi bed bala aika ika moo gal me mako woto papulai gi. Joo ngic da bobon oundo be kame joo me Merok owoto kede dwan gi en omio Ka daro lim oko sunyaro awaka anapeta me woto populai amitere kede do yuubo mogo awudo liaties iber karacel iyepone opore. Aikaika gi otimere piento contrakita owudo ogeo timo ticemogo isite me Merok kede icamp site dipwodi liame otieko winyere iyanapeta me kobo joo kede daro jamini me cwe Arubaga.

36. **Adwokini me Ka daro lim kede Tam mere ikom tic kede moru me Merok.** Joo angico owudo bee idwe me kanyape 2018, contrakita oundo otyeko menyo site me Merok. Bala moru ame oyaro tic kede. I dwe me Tomon 2018, Joo tel dido okowudo ngur apapat ayai iyadul me Merok, aso dyere dyere me dwe me kanyangon kede Tomon 2018, Ka daro lim diko welao etem Katine. Akadi bed bala kitwero wudo kopegi, Joo me Ka daro lim liotwero neno ngur me joo me Merok ara tunu wenao site me Merok paka idwe me Ongwon 2019. Panel angico waco bee reporti me omamano kede moru me Merok lianyuto tuuto me kope gi do pi mano jooo tel a malo liokotwero mino reporti kede epone me ngic opore.

37. Panel me joo angico owudo be gal obedo iyepone me tyeko kope ara ngur kede gi abino wok icen ngei dwe me ongwon 2019. Iya tyekini me dwe me kany me mwaka 2020 ikare ame Ka daro lim oko dagi kede tic kede moru me Merok, kop amako kobo joo kede daro Jame cwe Arubaga owudo otyeko gal bala pi mwaka acel lung, do di bobon pwodi liame gi tyek.

38. Panel angico owudo be Joo a Ka daro lim oyero timo aikaika kede anapeta me ngingico itaboi me lim/sente ooto momot twatwal di lubere kede gi awudo tie timere I Merok. Panel ni owudo be idwe me kanyangon 2019 ame omio kede order be “ojik tice” imerok site kede Tice me yoo me (NERAMP), Joo tel owoto kop awaco be Ka daro lim Oyaro pango joo apat atie kede ngec

atut ikom ngico itaboi, kede kop amako gwoko tame cwec Arubaga kede bedo ber/mulem me joo i Merok site pi neeno adwokini me epali a contrakita. Dodi bobon man otimere icen ngei panel wudo ngur, en emio oko keto jooangico imar/itaboi. Aso ikare ame awandiko kede report ni, oudo mwakini are kede gimoro otyeko kato ame Ka daro lim kwenyaro kede UNRA Be guyaro cwano Joo angico itaboi aso balwa ni do onoko/oyapuno wok/tyek. Joo tel imalo kwenyaro panel angico be gal ni obedo piento atwatwal mere joo angur odagi miiito winyere kede bobo nywako ituto kope atoot audo mitere. Panel do bobo oudo be kitame Ka daro lim ocao kede atotolun / awano ame odudubo kede cam ipooti, yen, karacel kede gedo kede adwokini mere ikom kuo me joo kede bobon cul ali ooto iyepone opore da bobon okokelo atotolun ikuo me joo. Panel me joo ngic oko neno bala be ka iriribo gal gi dedede karacel, enyuto nyapo me jootel me malo odagi tero kope gi bala pir gi tek keituno iyadwokini mere iyanyim.

Adwokini ikom imaman me dul tic kede adwokini me Ka daro lim ikom kwac ame okelo

39. Panel me joo ngic opwoyo epone ame Ka daro lim oketo kede joo atie kede ngec atut ikom daro tame cwec Arubaga kede ber bedo me joo, geno ame dul tic opopere kede idwe me ongwon 2019, bala gi aber. **Panel oudo be Ka daro lim tie upere kede anapeta me Ka daro lim amako Miino sente pi konyo dongo – line me 20 kede iswil me Ka daro lim me gango dongo kede sente, line 43.**

40. Akadi mago tie da, panel oudo bee-tutupo imaman liobedo ikare ame Ka daro lim ongeo kede be oyaro tic kede moru me Merok idwe me ongwon 2019 akadi bed bala awano atotolun owudo otyeko timere kuno alikapoore, imaman liobedo iyepone opore.

41. Amakere kede imaman opore, panel neno be kitame Ka daro lim liodaagi kede anapeta No. 10.1, eyei ne contrakita pi pepeto giamitere atie No. OP 4.01, kede caako gedo/tic akadi bed bala pwodi liame owoto balwa n amako gwokere. Panel da neno bala man liaupere kede anapeta me Ka daro lim amako gango dongo, ame waco be Ka daro lim pore tim imaman ikom dul tics mage dedede – diupere kede iswilia Ber bedo/mulem me joo kede daro cwec Arubanga. **Panel da bobo oudo be Joo tel me malo liaupere kede iswil me Ka daro lim amako gango dongo me dul tic – line me 20.**

42. Medo iwi mano, **panel wudo be joo tel liotwero pi neno be gi woto reporti opore kede epone me imaman opore, en omio liame gi twero pi wudo ngec amako moru me Merok lye epone opore – ikare opore, paka do icen me dwe me ongwon mwaka me 2019.** Panel wudo be joo tel lia upere kede anapeta me Ka daro lim amako dongo lobo – line No. 20 kede iswil me Ka daro lim amako dongo line me 43.

43. Panel owudo be Ka daro lim pwodi tie tic kede anapeta me E&S paka idwe me kanyape me mwaka 2019 di gi tero bala yomo yigi, akadi bed bala gal moro obedo me woto papulai me ber bedo me joo. Panel da bobo ongico be Ka daro lim obedo neno can kede pekere ame joo me Merok tie beo lye bala kelo atotolun ikwogi do eko gal kede yubogi/ara bo etero kare pi luubo tyen kope gi, ribaro kede gal ngico itaboi otyeko mwakini aromo are. Mage dedede nyuto goro kede nyapo ikom epone me tyeko pekere gi. **Panel udo bee joo tel liotwero neno be otwero tyeko pekere me joo kede atotolun gi Awaka awaka / iyesawa opore dokoda iye Epone opore kede bobo jootel imalo liotwero lubo nyabuko kope amako tyeko pekere me joo iyepone opore.** Panel

**owudo be management lia upere kede anapeta me Ka daro lim amako gango dongo lobo-line
me 20 kede iswil me ka daro lim ame mako gango dul tic kede sente me dongo – line 43.**

Kope Me Ajikini

44. Panel oniang bero me oot me gudo iyi pinye ocuger bala Uganda – di ryaryamo kede adulion apapat me piny wa kan ribaro kede pinye ace apat da. Kede Bero me gudo iye epone me kelo dongo ipiny wa ni. Panel oneno be NERAMP arabo gudo ni owudo atotolun kede, di bobo owudo epore medauno iprogramme me Ka daro lim me wi lobo amako yubo yote me mwaka 2015 – 2017. Akadi bed bala pwonyere amio tic gere oudo obedo wii kop iyagege me gamo dul tic ni, da owudo epoore bedo gi apire tek but NERAMP kede contract me gero yoo acil (OPRC), Rem rem mogo obedo ikom contract ni amedo nyutere ikom riport ni.

45. Jooo tel imalo oniang be NERAMP liame upere kede anapeta ace me Ka daro lim me wi lobo. Joo angico me panel otamo ngingico niang ituto kope omio winyere liobedo ikom epone me winyere owok irepot atie kane.

46. Panel tamo be jamini otimere dyere dyere kano di mako sayiti me Merok, omio pwony adwong twatwal iye epone ame ka daro lim pore tic kede. Kope me Merok nyuto epone ame kope awudo koto tino, nyai ko mono gengo epone ame dul tic pore tic kede. Ace titino, ace dongo, do kinyai di ropere paka kelo adwokini moro iyanyim. Maage icen mere oko keelo apore dyere me joo angur gi, di giko dong di liame otyekogi pi mwakini atoot icen me gin timere. Enamba me joo akopegi mako kom lika toot, do ibad me joo angur (PAPs) lito ame dul tic ni orwako ikwo gi dwong doko romo kelo atotolun ikwo gi ikare me anyim.

47. Case ni nyuto kitame lito moro romo kello kede nyai me atotolun adwong, di lubere kede pupucun me kope kede anapetagi. Kotodi oudo opopoko anapeta me tieko kope but ajangei apapat me dul tic imadala apapat ikare dedede me contract oyaro tyeko, owudo koto ogiro anapeta abeco oriere me mino bul ajange niang Jame areco angole abino wok i but gwoko Jame cwec arubanga kede mulem me joo, gwoko iswilia me Ka daro lim, kede medo teko pi covo anapeta me dul tic paka tiek di upere i line. i dul tic ni, kitame omako kede contract irac okelo atulin atot ieyepone me daaro iber kede gwokere, omio do joo ace liayei kede anapeta me Ka daro lim amako daro Jame cwec Arubaga, adido oko keto lito but joo angur gi.

48. Ngic me joo angico nyuto bee toto me kopegi, apirgi tek twatwal onyabuko gi ipiny kane.

49. Iyagege, liame otwero neeno abuca buca kede lito abino neno iyodocon/ituuto ikare me oiko kede anapeta me dul tic kede ketogi itic. Igigir amako E&S a me owoto abuca buca adongo da doko gi tye malomalo sana. Gi lii kede ikwenyar ituto akadi bed bala owudo ongeo ace ikom abuca buca abino neeno. Oter bala – atotolun me ber bedo/mulem me joo kede epone me dakojoo kaapat, liotwero nyuuto ka ace a me oromo belo lye kide, kede epone ame obino luubo di obelo kide ika anyen. Di wii wa likowil kede igigir me dul tic awaco/nyuto be area ni tie kede abucabuca. Igigir ni wudo nyap ikope imako Ngai amito cato kede ngai amito wilo di upere kede Jame amitere me aluba lye iswil me dako joo tetek. Panel da bobon owudo be tam atot ooto but kit ame otimo kede aika ika kede yubo igigir are gi – Aso, adia dia obedo tot lono winyere omio do lieupere kede anapeta me dul tic akadi abucabuca.

50. Panel oudo alokaloka otimere ikare ame winyere otimere kede, iyadul me tomon 10.1, ikom winyere me tic/contract en omio anapeta me Ka daro lim moo ngwalo ikom me dul tics ame Ka daro lim gango. En omio contrakita ogeno bala eromo titimo tice mogo i sites anyen abongo igigir kede anapeta ace amako gwo kere, pwodi li owok. Otimo tice gi di liame orwako iye joo piny adadi abongo planning aber kede menyo anyim akadi bed bala mage obedo atama me abucabuca otimere ikare ame yiiko kede dul tic ni.

51. Eponeme ogal kede pi winyo kede tyeko ngur me joo iye sawa opoore awaka awaka, omio adwokini mere lia cil. Jooo tel obedo tic me penyo igigir kare kede kare abos me keto tam ikare ame tie kato bobo da kede kitame etie totolo kede joo piny kede moono epone ace apoore me tieko kopegi. Mane juro tam me panel a me Waco bee bala epone ame dul tic oikere kede ribaro kede epone ame kimito timo kede tice gi, owudo goro moro tie iye kede cepak acwalo me adia dia. Tice me Ka daro lim me imaman, lioko oot kakare icengei lito donyo ikom joo ngur kede ace ikom kope me dul tic. Do pi mano, icen ngei mwakini are di kopegi otyeko timere imerok, lito odonyo ikom joo angur imerok poore atieka.

52. Epone ame Ka daro lim odagi kede tic kede moru me Merok, lioneno/ngico adwokini mere but joo piny, da dokon gitimo kop ni abongo penyo tam ibut joo akop ni beo ikomgi. Dokon li me kelo niang kede winyere me Lungo site me merok omedo cwako lito but jooongur.

53. Panel oudo be Joo tel liotwero lubo kakare anapeta me daro cwec Arubanga kede mulem me joo (E&S) ikare dedede me dul tic ni tyeko. Koto di wudo aika ika dedede otimere di oko sarakinogi but ajange apapat me dul tic, owudo koto abucabuca nonok/odwogo piny da doko koto awanon nonok. Kope me Merok omio Ka daro lim okwao UNRA pi cego ara gengo tice dedede audo tie oot anyim isite me Merok awaka waka. Di do eko wandiko Balwa awaco be “Jikunu Tice” – dedede iyongayo adwong ni pi peko owok I Merok kede aceda obedo paka idwe me are, ibutodwe tomon iwiye acel me mwaka 2022.

54. Pire tek twa twal me yuubo kope amako daro Jame cwec Arubaga kede mulem me joo, kede bobon epone opoore me twero mako kope atie dyere dyere me contract bala gi apirgi tek. Anapeta me Ka daro lim mito bala mage cobere, da bobo engico iber be tic romo cobere akadi bed bala ongwero wii sente ame ogeo chwano. Ka mago tie da, panel oniang be kara moro ongwerere iwii sente ame opore tic kede pi akadi mago tie da, Ka daro lim en apore pi mino adwokini me tic di lubere kede abucabuca karacel kede anapeta me pore aluba me tic. Ajange apapat me OPRC dul tics mede keto aika ika anyen a me bobo bino kelo Jame areco me malo loono, ame ribere kede Ka daro lim ruu timo loss ara medo donyo lyesau mere, medo imaman atot ibut management.

55. Ibad me NERAMP, gi nyuto be, li me anapeta apapat kede joo aniang ituuto kop amako E&S framework, kede nyapo da ikom kop amako E&S management system, kede kita me liame ottero kwenyaro kede management sek ikopegi, en okelo gal me dul tic icen ngee, dido en oko mino garaman mogo odonyo I dul tic ame mulo joo piny da.